

REGIONAL NEWS UNIT  
ALL INDIA RADIO, AGARTALA  
Date: 06-07-2024  
Time: 07:55-08:05 PM Hrs  
BENGALI EVENING BULLETIN

---

Headlines :

- (১) রাজ্যের সবকটি মহকুমায় আজ ড. শ্যামাপ্রসাদ মুখার্জির জন্মজয়ন্তী যথাযথ মর্যাদায় উদযাপন করা হয় ।
- (২) মুখ্যমন্ত্রী অধ্যাপক ডা: মানিক সাহা আজ মেলাঘরের জগন্নাথ বাড়ির ঐতিহ্যবাহী রথযাত্রা উৎসব ও মেলার উদ্বোধন করেন ।
- (৩) সংসদের বাজেট অধিবেশন শুরু হচ্ছে আগামী ২২ জুলাই ।
- (৪) রাজ্যভিত্তিক সুব্রত মুখার্জি কাপ অনূর্ধ্ব সতেরো বালিকা বিভাগের ফুটবলে ত্রিপুরা স্পোর্টস স্কুল দল এবং অনূর্ধ্ব-১৫ বছরের বালক বিভাগে খুমপুই একাডেমি চ্যাম্পিয়ান হয়েছে ।

\*\*\*\*\*

Dr. Syama Prasad Mukharjee-CM :

রাজ্যের সবকটি মহকুমায় আজ ড. শ্যামাপ্রসাদ মুখার্জির জন্মজয়ন্তী যথাযথ মর্যাদায় উদযাপন করা হয়। আগরতলায় রবীন্দ্র শতবার্ষিকী ভবনে অনুষ্ঠিত হয় রাজ্যভিত্তিক শ্রদ্ধাঞ্জলি

অনুষ্ঠান। এই অনুষ্ঠানে মুখ্যমন্ত্রী অধ্যাপক ডা: মানিক সাহা বলেন, ড. শ্যামাপ্রসাদ মুখার্জি ছিলেন প্রখর রাজনীতিবিদ, স্বাধীনচেতা, দার্শনিক ও জননায়ক। দেশভাগের বিরোধীতায় সর্বাগ্রে থাকা রাজনীতিবিদদের মধ্যে তিনি ছিলেন অন্যতম। অনুষ্ঠানে মুখ্যমন্ত্রী সহ অন্যান্য অতিথিগণ ড. শ্যামাপ্রসাদ মুখার্জির উপর আয়োজিত কুইজ প্রতিযোগিতায় অংশগ্রহণকারী ১২টি মহাবিদ্যালয়ের ছাত্রছাত্রীদের সংবর্ধনা জ্ঞাপন করেন। তাছাড়া মুখ্যমন্ত্রী নিজেও প্রশ্নোত্তর পর্বে অংশ নিয়ে ওপেন কুইজেরও সূচনা করেন। অনুষ্ঠানে ড. শ্যামাপ্রসাদ মুখার্জির জীবনদর্শন নিয়ে একটি তথ্যচিত্র প্রদর্শিত হয়। কুইজ প্রতিযোগিতায় প্রথম, দ্বিতীয় ও তৃতীয় হয়েছে যথাক্রমে মহিলা মহাবিদ্যালয়, শচীন দেববর্মণ স্মৃতি সরকারি সংগীত মহাবিদ্যালয় ও পুরাতন আগরতলা সরকারি ডিগ্রি কলেজ।

অনুষ্ঠানে ড. শ্যামাপ্রসাদ মুখার্জির জীবন, দেশপ্রেম এবং রাজনীতির বিষয় নিয়ে বিস্তারিত আলোচনা করেন অনুষ্ঠানের মুখ্য আলোচক তথা টিআইটি'র সহযোগী অধ্যাপক ড. জয়ন্ত চক্রবর্তী। অনুষ্ঠানে স্বাগত ভাষণ দেন তথ্য ও সংস্কৃতি দপ্তরের সচিব ড. পি কে চক্রবর্তী। অনুষ্ঠানে অন্যান্যদের মধ্যে বক্তব্য রাখেন রাজ্যভিত্তিক সাংস্কৃতিক উপদেষ্টা কমিটির ভাইস চেয়ারম্যান সুব্রত চক্রবর্তী।

\*\*\*\*\*

#### **Ratha Yatra Festival :**

আগামীকাল জগন্নাথ দেবের রথযাত্রা উৎসব। বিভিন্ন মন্দিরে রথযাত্রার প্রস্তুতি চূড়ান্ত। আগামীকাল বিকেলে চিরাচরিত প্রথা

অনুযায়ী আগরতলার জগন্নাথ জিউ মন্দির থেকে একটি সুসজ্জিত রথ ভগবান জগন্নাথ, বলভদ্র সুভদ্রাদেবীকে নিয়ে আগরতলা শহরের বিভিন্ন পথ পরিক্রমা করবে। রথযাত্রা উৎসব উপলক্ষে জগন্নাথ জিউ মন্দিরে পাঁচ দিনব্যাপী ধর্মীয় আলোচনাচক্রের আয়োজন করা হয়েছে। আজ মন্দিরে ধর্মীয় প্রথা অনুযায়ী গুন্ডিচা মার্জন অনুষ্ঠিত হয়। জগন্নাথ জিউ মন্দির ছাড়াও আগরতলার ইসকন মন্দির, হরেকৃষ্ণ মন্দিরে রথযাত্রা উৎসবের আয়োজন করা হয়েছে। তাছাড়া রাজ্যের বিভিন্ন মহকুমাতেও উৎসাহ উদ্দীপনার মধ্যে দিয়ে রথযাত্রা উৎসবের প্রস্তুতি নেওয়া হয়েছে।

\*\*\*\*\*

#### **Rath CM Melaghar :**

মুখ্যমন্ত্রী অধ্যাপক ডা: মানিক সাহা আজ বিকেলে মেলাঘরের জগন্নাথ বাড়ির ঐতিহ্যবাহী ৯ দিনব্যাপী রথযাত্রা উৎসব ও মেলার উদ্বোধন করেন। এই উপলক্ষ্যে জগন্নাথ বাড়ি মুক্তমঞ্চে আয়োজিত অনুষ্ঠানে তিনি বলেন, মেলাঘরের রথের মেলা শুধু ধর্মীয় দিক থেকেই গুরুত্বপূর্ণ নয়। এই মেলা ক্রেতা বিক্রেতার এক মিলনস্থল। গতবছর উল্টা রথের মর্মান্তিক ঘটনার উল্লেখ করে মুখ্যমন্ত্রী বলেছেন আনন্দ যেন কখনোই নিরানন্দের কারন না হয়ে দাঁড়ায়। তাই রথযাত্রা উৎসবে সবাইকে সচেতন থাকার আবেদন জানান মুখ্যমন্ত্রী। রথযাত্রা উৎসব যাতে সুষ্ঠু ও শান্তিপূর্ণভাবে সম্পন্ন হয় সেদিকে নজর রাখতে তিনি প্রশাসনের আধিকারিকদেরও নির্দেশ দেন। অনুষ্ঠানে অন্যান্যদের মধ্যে উপস্থিত ছিলেন বিধায়ক কিশোর বর্মণ ও বিন্দু দেবনাথ,

সিপাহীজলা জিলা পরিষদের সভাপতি সুপ্রিয়া দাস দত্ত,  
সিপাহীজলা জেলার জেলাশাসক নাগেশ কুমার বি প্রমুখ।

\*\*\*\*\*

#### **Rath Yatra-National :**

এদিকে, শ্রীক্ষেত্র পুরীতে প্রস্তুতি চলছে। সাজিয়ে তোলা হচ্ছে  
ভগবান জগন্নাথ, বলরাম ও সুভদ্রার বিশাল রথ। দেশের বিভিন্ন  
প্রান্ত থেকে সমুদ্র শহর পুরীতে ইতিমধ্যে লক্ষ লক্ষ পুন্যার্থী  
পৌঁছে গেছেন।

রাষ্ট্রপতি দ্রৌপদী মূর্ মুর্ আগামীকাল পুরীতে জগন্নাথ দেবের রথযাত্রা  
প্রত্যক্ষ করবেন। রথযাত্রা ও রাষ্ট্রপতির সফরকে ঘিরে পুরীতে  
আঁটোসাঁটো নিরাপত্তা ব্যবস্থা গ্রহণ করা হয়েছে।

\*\*\*\*\*

#### **NHM-CM :**

মুখ্যমন্ত্রী অধ্যাপক ডাঃ মানিক সাহা বলেছেন খুব শীঘ্রই রাজ্যে  
প্রথমবারের মতো কিডনী প্রতিস্থাপন হতে চলেছে আগরতলা  
সরকারী মেডিক্যাল কলেজ তথা জিবি হাসপাতালে। আজ জাতীয়  
স্বাস্থ্য মিশন, ইন্ডিয়ান ডেন্টাল এসোসিয়েশনের যৌথ ব্যবস্থাপনায়  
ন্যাশনাল ওরাল হেল্থ প্রোগ্রামের রাজ্যভিত্তিক ডেন্টাল সার্জনদের  
প্রশিক্ষণ শিবিরের উদ্বোধনী অনুষ্ঠানে তিনি একথা বলেন। তিনি  
বলেন, আগরতলা সরকারি ডেন্টাল কলেজের পরিকাঠামো  
উন্নয়নে ডোনার মন্ত্রক ২০২ কোটি টাকা বরাদ্দ করেছে।  
আগরতলা সরকারি মেডিক্যাল কলেজে ৯টি সুপার স্পেশালিটি  
বিভাগ চালু করা হয়েছে। রাজ্যের চিকিৎসা পরিষেবা  
পরিকাঠামোর উন্নয়নে রাজ্য সরকার কেন্দ্রীয় সরকারের আয়ুত্মান

ভারত-প্রধানমন্ত্রী জন আরোগ্য যোজনার মতো মুখ্যমন্ত্রী জনআরোগ্য যোজনা চালু করেছে। জিবি হাসপাতাল সহ রাজ্যের বিভিন্ন সরকারি হাসপাতাল, ত্রিপুরার মেডিক্যাল কলেজ এবং আগরতলায় একটি বেসরকারী হাসপাতালে এই প্রকল্পে সুবিধা পাওয়া যাচ্ছে। অনুষ্ঠানে উপস্থিত ছিলেন স্বাস্থ্য দপ্তরের অতিরিক্ত সচিব ব্রাঙ্কিত কৌর, স্বাস্থ্য অধিকর্তা প্রফেসর ডাঃ সঞ্জীব দেববর্মা প্রমুখ। অনুষ্ঠানে মুখ্যমন্ত্রী ত্রিপুরা স্টেট ডেন্টাল কাউন্সিল, আগরতলা সরকারি ডেন্টাল কলেজ এবং আইজিএম হাসপাতালের ওয়েবসাইটের উদ্বোধন করেন। এছাড়াও আগরতলা সরকারি ডেন্টাল কলেজে ই-সঞ্জীবনির মাধ্যমে টেলি মেডিসিন পরিষেবারও আনুষ্ঠানিক সূচনা করেন মুখ্যমন্ত্রী। অনুষ্ঠানে মুখ্যমন্ত্রী টেলি পরিষেবার মাধ্যমে চিকিৎসক এবং রোগীর সাথে কথা বলেন এবং প্রয়োজনীয় পরামর্শ দেন।

\*\*\*\*\*

#### **Budget Session-Parliament :**

সংসদের বাজেট অধিবেশন শুরু হচ্ছে আগামী ২২ জুলাই, চলবে ১২ আগস্ট পর্যন্ত। কেন্দ্রীয় সংসদ বিষয়ক মন্ত্রী কিরেন রিজিজু আজ এখবর জানিয়েছেন। তিনি তাঁর এক্স হ্যান্ডেলে জানান, এই অধিবেশনের দ্বিতীয় দিনে অর্থাৎ ২৩শে জুলাই চলতি অর্থবছরের পূর্ণাঙ্গ বাজেট পেশ করা হবে।

\*\*\*\*\*

#### **Merit Award :**

দৈনিক সংবাদ পত্রিকার ভূপেন্দ্র চন্দ্র দত্ত ট্রাস্টের উদ্যোগে আজ এখবরের মাধ্যমিক ও উচ্চ মাধ্যমিক পরীক্ষায় সফল ৩২ জন

ছাত্রছাত্রীকে আজ মেধা পুরস্কার দেওয়া হয়। এই উপলক্ষ্যে আগরতলার মুক্তধারা প্রেক্ষাগৃহে আয়োজিত অনুষ্ঠানের উদ্বোধন করেন আগরতলা রামকৃষ্ণ মিশনের সচিব স্বামী শুভকরানন্দজী মহারাজ। এছাড়াও উপস্থিত ছিলেন এম বি বি কলেজের প্রাক্তন অধ্যক্ষ সুকুমার দাস, শিক্ষাবিদ অধ্যাপক মিহির দেব এবং আই.এল.এস হাসপাতাল JPT গ্রুপ এডভাইজার কিশোর আশুলি। প্রত্যেক ছাত্রছাত্রীকে ২৫ হাজার টাকার চেক, স্মারক ও শংসাপত্র প্রদান করা হয়। স্বাগত ভাষণ দেন ভূপেন্দ্র চন্দ্র দত্ত ট্রাস্টের সচিব প্রদীপ দত্ত ভৌমিক। ধন্যবাদ সূচক বক্তব্য রাখেন ট্রাস্টের চেয়ারম্যান সঞ্জয় পাল।

\*\*\*\*\*

#### **Amarnath Yatra :**

জম্মু ও কাশ্মীরে ভারী বৃষ্টিপাতের কারণে আজ সকালে অমরনাথ যাত্রা সাময়িককালের জন্য স্থগিত করা হয়েছে। আবহাওয়া খারাপ থাকায় উত্তর কাশ্মীরের বালতাল এবং দক্ষিণ কাশ্মীরের পহেলগাঁও বেস ক্যাম্পে আপাতত পুণ্যার্থীরা অবস্থান করছেন।

\*\*\*\*\*

#### **Dr. Syama Prasad Mukharjee-Gomoti & South :**

গোমতি ও দক্ষিণ জেলাতেও আজ যথাযথ মর্দাজায় ডঃ শ্যামাপ্রসাদ মুখার্জীর জন্মজয়ন্তী উদযাপন করা হয়। এ উপলক্ষ্যে কাকড়াবন কমিউনিটি হলে আয়োজিত অনুষ্ঠানে উপস্থিত ছিলেন গোমতী জিলা পরিষদের সহকারী সভাপতি দেবল দেবরায়, বিধায়ক অভিষেক দেবরায় ও জিতেন্দ্র মজুমদার, উদয়পুর পুর পরিষদের চেয়ারম্যান শীতল চন্দ্র মজুমদার প্রমুখ। এদিকে,

দক্ষিণ জেলার বিলোনিয়ার পুরাতন টাউন হলে আয়োজিত অনুষ্ঠানে উপস্থিত ছিলেন বিলোনিয়া পুর পরিষদের চেয়ারম্যান নিখিল চন্দ্র গোপ। শান্তিরবাজারে মুকুট অডিটোরিয়ামে আয়োজিত অনুষ্ঠানে উপস্থিত ছিলেন শান্তিরবাজার পুর পরিষদের চেয়ারপার্সন স্বপ্না মজুমদার বৈদ্য। সাব্রুম পুরাতন টাউন হলে অনুষ্ঠিত সাব্রুম মহকুমা ভিত্তিক অনুষ্ঠানে উপস্থিত ছিলেন সাব্রুম নগর পঞ্চায়েতের চেয়ারপার্সন রমা পোদ্দার দে প্রমুখ।

\*\*\*\*\*

**Dr. Syama Prasad Mukharjee-Khowai :**

খোয়াই মহকুমা তথ্য ও সংস্কৃতি দপ্তর এবং খোয়াই পুর পরিষদের যৌথ উদ্যোগে খোয়াই কালচারাল সেলের সহযোগিতায় আজ খোয়াই পুরাতন টাউন হলে ডঃ শ্যামাপ্রসাদ মুখার্জীর জন্মজয়ন্তী উপলক্ষে শ্রদ্ধাঞ্জলি অনুষ্ঠানের আয়োজন করা হয়। অনুষ্ঠানে উপস্থিত ছিলেন জিলা পরিষদের সদস্য সুব্রত মজুমদার, পুর পরিষদের চেয়ারপার্সন দেবশীষ নাথ শর্মা, খোয়াই পঞ্চায়েত সমিতির চেয়ারম্যান তাপস কান্তি দাস প্রমুখ।

\*\*\*\*\*

**Dr. Syama Prasad Mukharjee-Unakoti :**

ডক্টর শ্যামাপ্রসাদ মুখার্জীর জন্মজয়ন্তী উপলক্ষে আজ কুমারঘাটের গীতাঞ্জলি অডিটোরিয়ামে এক শ্রদ্ধাঞ্জলি অনুষ্ঠান হয়। অনুষ্ঠানে ডক্টর শ্যামাপ্রসাদ মুখার্জীর জীবন ও কর্মধারা নিয়ে আলোকপাত করেন, বিধায়ক ভগবান চন্দ্র দাস, বিশিষ্ট শিক্ষাব্রতী রবীন্দ্র সিংহ, সমাজসেবী পবিত্র চন্দ্র দেবনাথ প্রমুখ। এদিকে কৈলাশহরের উনকোটি কলাক্ষেত্রে আয়োজিত জন্মজয়ন্তী

অনুষ্ঠানের উদ্বোধন করেন, ঊনকোটি জিলা পরিষদের সভাধিপতি  
অমলেন্দু দাশ।

\*\*\*\*\*

#### **Stop Diarrhoea Campaign-Unakoti :**

কৈলাশহরের R.G.M হাসপাতাল চত্বরে আজ ঊনকোটি জেলা  
ভিত্তিক "স্টপ ডায়েরিয়া ক্যাম্পেইন" এর উদ্বোধন হয়। ঊনকোটি  
জিলা পরিষদের সভাধিপতি অমলেন্দু দাশ জেলাভিত্তিক কর্মসূচির  
আনুষ্ঠানিক উদ্বোধন করেন। উদ্বোধকের ভাষণে তিনি বলেন,  
ডায়েরিয়া প্রতিরোধে ও বিশেষ করে শিশুদের রক্ষায় এই  
অভিযানের গুরুত্ব অপরিসীম। আগামী দু'মাসব্যাপী এই অভিযান  
কার্যকরী ও ফলপ্রসূ হবে বলে তিনি আশাব্যক্ত করেন। অনুষ্ঠানে  
ঊনকোটি জেলার অতিরিক্ত জেলা শাসক দশরথ দেববর্মা,  
C.M.O ডাঃ শীর্ষেন্দু চাকমা, এই অভিযানের নোডাল অফিসার  
ডাঃ অয়ন রায় প্রমুখ ভাষণ দেন। অনুষ্ঠানের সভানেত্রী ছিলেন,  
কৈলাশহর পুর পরিষদের চেয়ারপার্সন চপলা রাণী দেবরায়।  
এখানে কয়েকজন শিশু ও তাদের মায়ের কাছে O.R.S এবং  
জিঙ্ক ট্যাবলেট তুলে দেওয়া হয়।

\*\*\*\*\*

#### **Accident-Unakoti :**

কৈলাশহরের মনুভ্যালি চা-বাগানের ফ্যাক্টরিতে আজ কাজ করার  
সময় দুর্ঘটনাগ্রস্ত হয়ে এক শ্রমিকের মর্মান্তিক মৃত্যু ঘটেছে। মৃত  
শ্রমিকের নাম - রামজয় পাল, বয়স প্রায় ৫৯ বছর। চা-  
বাগানের ফ্যাক্টরির ড্রায়ারে কাজ করার সময় আজ দুপুর একটা  
নাগাদ এই দুর্ঘটনা ঘটে বলে চা-বাগান সূত্রে জানা গেছে।

\*\*\*\*\*

**CPIM-South :**

পঞ্চায়েত নিৰ্বাচনকে সামনে রেখে আজ দক্ষিণ জেলার রাজনগরে সিপিআইএম-এৰ এক সাংগঠনিক সভা অনুষ্ঠিত হয়। সভায় বক্তব্য রাখেন বিৰোধী দলনেতা জিতেন্দ্র চৌধুরী, প্ৰাক্তন বিধায়ক সুধন দাস ও বাসুদেব মজুমদার।

\*\*\*\*\*

**Congress :**

আসন্ন ত্ৰিস্তৱ পঞ্চায়েত নিৰ্বাচনকে সামনে রেখে আজ আগৰতলাৰ স্টুডেন্ট হেলথ হোমে প্ৰদেশ কংগ্ৰেসৰ এক সাংগঠনিক সভা অনুষ্ঠিত হয়। সভায় বক্তব্য রাখেন প্ৰদেশ কংগ্ৰেস সভাপতি আশিস কুমাৰ সাহা, বিধায়ক সুদীপ ৰায় বৰ্মন।

\*\*\*\*\*

**DYFI Rally-Belonia :**

আসন্ন ত্ৰিস্তৱ পঞ্চায়েত নিৰ্বাচন সুষ্ঠুভাবে সম্পন্ন কৰা সহ মোট ৪ দফা দাবিতে আজ DYFI-ৰ পক্ষ থেকে বিলোনিয়া শহৰে মিছিল ও সভাৰ আয়োজন কৰা হয়। সভায় বক্তব্য রাখেন বিধায়ক দীপঙ্কৰ সেন, DYFI ৰাজ্য সম্পাদক নবাবুৰ্ণ দেব, ও সিপিআইএম নেতা তাপস দত্ত প্ৰমুখ।

\*\*\*\*\*

**State Level-Football-Unakoti :**

রাজ্যভিত্তিক সুব্রত মুখার্জী কাপ অনূর্ধ্ব সতেরো বালিকা বিভাগের ফুটবল প্রতিযোগিতায় গোমতী জেলা দলকে ৭-০ গোলে পরাজিত করে চ্যাম্পিয়ানের খেতাব অর্জন করেছে ত্রিপুরা স্পোর্টস স্কুল দল। কৈলাশহর কলেজ স্টেডিয়ামে অনুষ্ঠিত আজকের ম্যাচে ত্রিপুরা স্পোর্টস স্কুলের শ্রেয়া দেব একাই পাঁচটি গোল করে।

\*\*\*\*\*

### **SM Cup Football :**

রাজ্যভিত্তিক অনূর্ধ্ব-১৫ বছরের সুব্রত মুখার্জী কাপ ফুটবল প্রতিযোগিতায় বালক বিভাগে পশ্চিম জেলার খুমপুই একাডেমি চ্যাম্পিয়ন হয়েছে। আজ সকালে উমাকান্ত মিনি স্টেডিয়ামে অনুষ্ঠিত আসরের ফাইনালে পশ্চিম জেলার খুমপুই একাডেমি ২-০ গোলে দক্ষিণ জেলার এবেনজার হাই স্কুল পরাজিত করে। খেলার শেষে চ্যাম্পিয়ন ও রানার্স দলকে ট্রফি তুলে দেন অতিথিরা। পশ্চিম জেলা স্কুল স্পোর্টস বোর্ডের যুগ্ম সচিব মদন বণিক এখবর জানান।

\*\*\*\*\*

### **Football-Khowai :**

অল আদিবাসী এসোসিয়েশন অফ ত্রিপুরার উদ্যোগে আয়োজিত বিরসা মুন্ডা স্মৃতি নকআউট ফুটবলে গৌড়নগরের বরখের দল চ্যাম্পিয়ন হয়েছে। আজ খোয়াই চা বাগান স্কুল মাঠে আয়োজিত ফাইন্যাল খেলায় গৌরনগরের বরখের একাদশ ২-০ গোলে কমলপুরের মহাবীর একাদশকে পরাজিত করে।

\*\*\*\*\*

### **Third Division League :**

ঘরোয়া তৃতীয় ডিভিশন লিগ ফুটবল প্রতিযোগিতার আজ অনুষ্ঠিত দুটি খেলায় ঐকতান যুব সংস্থা ও পান্থুই স্পোর্টস সোসাইটি জয়লাভ করেছে। উমাকান্ত মিনি স্টেডিয়ামে অনুষ্ঠিত খেলায় ঐকতান যুব সংস্থা ১৬-০ গোলে আনন্দ ভবনকে হারিয়ে দেয়। পরে একই মাঠে অপর খেলায় পান্থুই স্পোর্টস সোসাইটি ২-১ গোলে ইউনাইটেড বি এস টি'কে পরাজিত করে।

\*\*\*\*\*

#### **Weather :**

আগামীকাল আকাশ সাধারণত মেঘাচ্ছন্ন থাকবে। দুয়েক জায়গায় বজ্র বিদ্যুত সহ হালকা থেকে মাঝারি পর্যায়ে বৃষ্টিপাতের সম্ভাবনা রয়েছে। তাপমাত্রা সর্বোচ্চ বত্রিশ ডিগ্রী সেলসিয়াস এবং সর্বনিম্ন ছাব্বিশ ডিগ্রী সেলসিয়াস এর কাছাকাছি থাকবে। আজ দিনের সর্বোচ্চ তাপমাত্রা ছিল চৌত্রিশ দশমিক চার ডিগ্রী সেলসিয়াস এবং সর্বনিম্ন ছাব্বিশ দশমিক দুই ডিগ্রী সেলসিয়াস।

\*\*\*\*\*